



Reykjavík, 19. mars 2024

MSS24030094

Borgarráð

Skóla- og fjölskyldumiðstöð vegna móttöku flóttafólks frá Palestínu

Lagt er til að borgarráð samþykki hjálagða tillögu sviðsstjóra skóla- og frístundasviðs, dags. 15. mars 2024, um að koma á fót skóla- og fjölskyldumiðstöð fyrir börn á leikskóla-, grunnskóla- og framhaldsskólaaldri í kjölfar fjölskyldusameiningu fólks frá Palestínu.

Verkefnið er fjármagnað að hluta úr ramma skóla- og frístundasviðs en þörf er á viðbótarfjármagni upp á 13.100.000 kr. Skóla- og frístundasvið mun sækja um styrk frá mennta- og barnamálaráðuneytinu til að mæta þeim viðbótarkostnaði. Muni Reykjavíkurborg þurfa að standa að einhverjum viðbótarkostnaði vegna verkefnisins verður lagður fram viðauki þess efnis þegar upphæðin liggur fyrir.

Einar Þorsteinsson
borgarstjóri

Hjálagt:

Tillaga sviðsstjóra skóla- og frístundasviðs, dags. 15. mars 2024



Reykjavík

Reykjavík, 15.mars 2024

Skóla- og fjölskyldumiðstöð vegna móttöku flóttafólks frá Palestínu gegnum fjölskyldusameiningu

Viðtakandi: Borgarstjóri

Sendandi: Helgi Grímsson, sviðsstjóri Skóla- og frístundasviðs Reykjavíkur

Efni: Skóla- og fjölskyldumiðstöð fyrir börn á leikskóla-, grunnskóla- og framhaldsskólaaldri í kjölfar fjölskyldusameiningu fólks frá Palestínu.

Í mars 2024 komu 35 börn til Reykjavíkur á grundvelli fjölskyldusameiningar frá Gaza, Palestínu og eru komin í þjónustu velferðarsviðs á forsendum samræmdar móttöku flóttafólks. Í þessum hópi eru 15 börn á leikskólaaldri, 19 grunnskólaaldri og 1 barn á framhaldsskólaaldri.

Skóla- og fjölskyldumiðstöð fyrir börn á aldrinum 0 – 18 ára og fjölskyldu þeirra frá 3. apríl til 30. júní 2024.

Skóla- og frístundasvið Reykjavíkur telur mikilvægt að koma á fót skóla- og fjölskyldumiðstöð sem skjól fyrir börn við komuna til landsins og fyrstu vikurnar í íslensku samfélagi. Í miðstöðinni er gert ráð fyrir þátttöku foreldrum og hugsanlega annarra ættingjum, jafnvel systkinum sem þegar eru búsett á Íslandi. Þá gætu skjólstaðingar úr öðrum sveitarfélögum komið í þjónustu í miðstöðinni. Því er óljóst hver fjöldinn sem myndi sækja miðstöðina yrði.

Skóla- og fjölskyldumiðstöð er tímabundið úrræði til að mæta námslegum og félagslegum þörfum barna á leik- og grunnskólaaldri sem koma hingað til lands. Allar rannsóknir sýna að börn sem koma úr stríðshráðum aðstæðum eiga við áfallastreitu að stríða. Ljóst er að þessi hópur er að koma úr óhugsandi og ómannúðlegum aðstæðum. Það er mikilvægt að skapa griðastað þar sem börn og foreldrar finna fyrir öryggi, rútinu og hlýju. Góð reynsla skapaðist af svona verkefni þegar við tókum á móti Úkraínumönnum fyrir tveim árum síðan.

Skóla- og fjölskyldumiðstöðin er opin virka daga frá kl. 8:30 – 13:00 þar sem fram lögð er áhersla á:

- Vettvang fyrir samveru fjölskyldna
- Samfélagsfræðslu
- Stöðumat á námslegri og félagslegri stöðu barna
- Kynningu á leikskóla-, grunnskóla- og frístundastarfi (bæði á kerfinu og vettvangsheimsóknir á nærliggjandi starfsstaði)
- Latnesk leturgerð
- Grunnorðaforða í íslensku

- Undirbúning fyrir leik- og grunnskólagöngu
- Undirbúning fyrir foreldra í skólafærni

Áfallamiðuð nálgun er leiðarljós í öllu starfi sem fram fer í miðstöðinni þar sem áhersla er á náð og gott samstarf við velferðarsvið Reykjavíkurborgar, Rauða kross Íslands, Unicef og aðra sem koma að velferð og námi barna. Í skóla- og fjölskyldumiðstöðinni eru starfandi starfsfólk úr leik-, grunn- og frístundastarfi með þekkingu eða bakgrunn frá Mið-Austurlöndum sem og starfsfólk með góða íslenskukunnáttu. Hugmyndin er að skóla- og fjölskyldumiðstöð fyrir þennan hóp verði starfrækt fram til 30. júní 2024. Skóla- og fjölskyldumiðstöðin er blíð byrjun inn í almennt skóla- og frístundastarf í Reykjavík.

Lagt er upp með að starfsemi skóla- og fjölskyldumiðstöðvar fari fram í húsnaði borgarinnar í nálægð við leikskóla, grunnskóla og frístundaheimili/félagsmiðstöð.

Fjármögnun

Verkefnið er fjármagna að hluta úr ramma SFS en viðbótarfjármagn þarf til að verkefnið verði að veruleika.

Úr ramma SFS

- Verkefnastjóri í 50% starfi
- Brúarsmiður í 80% starfi
- Tveir verkefnastjórar í fjölmenningu sem sjá um umsýslu og yfirumsjón með verkefninu, samskipti við Velferðarsvið og grasrótarsamtök sem koma að verkefninu.
- Húsnaði undir starfseminum.
- Stuðningur frá nágrannaskóla.

Viðbótarfjármagn sem verkefnið þarf:

	Fjöldi	Laun og lfg.	Mánuðir	Kostnaður 2024
Verkefnisstjóri/Deildarstjóri	0,50	1.200.000	3,5	2.100.000
Grunnskólakennari	1,00	1.000.000	3,5	3.500.000
Brúarsmiður	0,25	1.000.000	3,5	875.000
Frístundaleiðbeinandi	2,00	750.000	3,5	2.625.000
Rekstrarkostnaður				1.000.000
Matarkostnaður				3.000.000
Samtals	3,75			13.100.000

Styrkur

Skóla- og frístundasvið mun sækja um styrk frá mennta- og barnamálaráðuneytinu til að mæta þeim viðbótarkostnaði sem af verkefninu hlýst. Umsóknarfrestur í þann sjóð er 3.apríl en niðurstaða fæst ekki fyrr en um miðjan apríl.

Beiðni til borgarsjóðs

Farið er þess á leit að borgarsjóður tryggi fjármögnun verkefnisins þannig að SFS fái viðbótarfjárheimild að allt að 13.100.000 kr. Endanleg viðbótarfjárheimild verði ákveðin í lok verkefnisins og taki m.a. mið af afgreiðslu ráðuneytis á styrkbeiðninni.